



Inatsisartuni ilaasortaq Sofia Geisler, Inuit Ataqtigiit  
/maani

## Oquk pillugu § 37 naapertorlugu apeqquteqaammut 2018-039-mut akissut.

11-02-2019  
Suliaq normu: 2019 - 1353  
Id normu 37480342

Asasara Sofia

Inatsisartut suleriaasianni § 37 naapertorlugu apeqquteqaatinut nassiussannut qujanaq. Apeqqutit matuma kinguliani ataasiakkaarlugit allanneqarput, akissummillu malitseqarlutik.

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
Fax: (+299) 34 63 56  
www.naalakkersuisut.gl

### **Apeqqut 1. Maskiinat atorlugit inissiani oquup naaneqaataanik pilaavagineqarnerinut misileraanissamut tunngatillugu Naalakkersuisut aalajangerannut tunngaviusunik misileraanernik / ilisimatusarnernik ingerlatsisoqarsimava?**

Akissut: Teknologi misilerarluagaavoq, uppersaasorsorluagaavoq aammalu ilaatigut Miljø- og Fødevareministeriaqarfimmit aamma Statens Serum Institut-imit akuerisaalluni. Aamma maskiinat ISO-mit akuerisatut uppersaasigaapput.

### **Apeqqut 2. Apeqqummut 1-mut akissut aappiuppat: Misileraanerit / ilisimatusarnerit sumi ingerlanneqarsimappat aamma taakkua inernerit kimik akuerineqarpat?**

Akissut: Apeqqut 1-imut akissut takuuk. Maskiinanut akuersissutit uppersaatillu pillugit annerusumik paasissutissanut tunngatillugu tunisassioq nittartaga [www.climates.dk](http://www.climates.dk) innersuussinnaavarput.

### **Apeqqut 3. §37 naapertorlugu apeqqutini 2018-328 akissumminni Naalakkersuisut allapput ingerlataq qulaani taaneqartoq pissasoq illup iluata silaannaa ilaqtariinnut isumannaatsuunissaa anguniarlugu, taamalu oquiaanerup pinerata nalaani naammassinissaata tungaanut ilaqtariit inigisaminniinnarsinnaallutik.**

### **Kiap nalilissavaa aalajangerlugulu inigisap oquiarneqarnerata nalaani naammassinissaatalu tungaanut ilaqtariit inigisaminniinnarsinnaanerisa isumannaatsuunera?**

Akissut: INI A/S Namminersorlutik Oqartussat inissiaataanik aqutsisuvoq ulluinnarnilu ingerlatsinermik isumaginnittuulluni, tassungalu ilanngullugu aamma inissiat ataasiakkaat pitsaassusaannik naliliisarpoq.

### **Apeqqut 4. Kemikalit atorlugit inigisap oquiarneqarnerata nalaani ilaqtariit inigisaminniinnassappat?**

Akissut: Oqummik ajoqusikkat iluarsinissaannut oquttoqarneranut peqqutaasoq apeqqutaasarpog, aammattaaq siusinnerusukkat § 37 naapertorlugu apeqqut 2018-328-mut akissut takuuk.

**Apeqquut 5. Apeqquummut 4-imut akissut aappiuppat: Oquiaanermi atorpeqartut kemikaliat ineqartut peqqissusaannut ulorianaateqannginnersut Naalakkersuisut ineqartunut qulakkeersinnaavaat?**

Akissut: INI A/S ilisimatitsivoq, piffissami oquiaaffiusumi inissiamut isertoqarsinnaanngitsoq, kisiannili oquiaanerup naammassinerani inissiaq nalinginnaasumik atorpeqarsinnaalissasoq. Oquiaariaatsit qajassuussisuupput, avatangiisinut ajoqutaanngillat aammalu pequtinik, annoraaminernik elektronikkinilluunniit ajoqusiisaratik. Kemikaliat toqunartortaqaanngillat aammalu ulorianarsinnaasunik kingunerluuteqartaratik.

**Apeqquut 6. §37 naapertorlugu apeqquummi 2018-328-mi akissumminni Naalakkersuisut allapput illoqarfinni anginerni sisamani inissiat oqummik ajornartorsiuteqarfiusut ilisimaneqartut 171-usut.**

**Pisortat inissiaataanni attartortinneqartartuni nuna tamakkerlugu oquk pissutigalugu ajornartorsiuteqarfiusut inissiat qassiunersut Naalakkersuisut kisitsisaatigaat?**

Akissut: INI A/S ilisimatitsivoq, 2019-imi sapaatit akunneranni 4-mi Namminersorlutik Oqartussat inissiaataanni, INI-mit aqunneqartuni inissiat 272-it, tassalu inissiaatit 5 %-ii oqoqartut imaluunniit oqoqarnissaannik pasitsaanneqartut ilisimaneqartut.

**Apeqquut 7. Naalakkersuisut angersinnaavaat naaggaarluguluunniit maskinat atorlugit oquiaanissamik misileraalluni aallartitsineq tassaansoq inissiani attartortittakkani oquup ajornartorsiutaaneranut iliuusissaarunnermi peruserineqartoq kingullerpaaq?**

Akissut: Misileraanermi taamaallaat attartortoq oquiaanerup nalaani angerlarsimaffimmuni najugaqaannarsinnaanersoq paasiniarneqassaaq. Misileraanermi taamaallaat attartortoq inissiap iluata silaannalunneranit akornusersorneqarnissaata, kiisalu inissiiffiugallartussamat nuutsinneqassaguni tamatuminnga akornuserneqarnissaata annikinnerpaanissaanik qulakkeeriniartoqarpoq.

Maskiinat, maskiinatut inissiami oqummut peqqutaasunik piiiassussatut isigineqassanngillat.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga

  
Karl Frederik Danielsen